



UNIVERSITÄTS-
BIBLIOTHEK
PADERBORN

Universitätsbibliothek Paderborn

Codex traditionvm Corbeiensivm

Falcke, Johann Friedrich

Lipsiae ; Gvelpherbyti, 1752

§. 175. De commutatione quorundam bonorum, sitorum in pago Suilbergi et in villa Honesleva in pago Thuringia inter Corb. abbatem Adalgarium et comitem Geroldum.

urn:nbn:de:hbz:466:1-36114



§. 175.



Commemoratio qualiter placuit inter venerabilem abbatem adalgerum (l) ex monasterio nouae corbeiae et quendam comitem nomine *Geroldum* (m) ut possessiones suas aliquibus in locis pro utrarumque partium utilitate commutari deberent quod et effecerunt deditque geroldus reuerendo abbati ad monasterium

(l) Warinus abbas Corbeiensis obiit anno 853 et quidem III kal. decembris, id est, De Warino archiepisque Adalgerio abbatibus. 29 nouembris, teste Necrologio ac Chronico vetustissimo et coetaneo, quod la- tet in Archiuo Corbeiensis. Successit in eius locum *Adalgerus* Abbas, qui, eodem Chronico teste, nostrae abbatae praefuit ab anno 854 vsque ad annum 877, germanus Adalgarii archiepiscopi Hamburgensis, sic enim ab auctore Vitae S. Rimberti, scriptore itidem coetaneo, appellatur p. m. 742. Cum igitur codex harum traditionum hoc loco huius *Adalgeri* abbatis primam mentionem faciat, sequitur inde, hanc ac partem aliquam sequentium traditionum ab anno 854 vsque ad 877 esse peractam. Hludouicus, Franciae Orientalis rex, supremus abbatae nostrae dominus, demum anno 876. 28 die mensis Augusti vitam cum morte commutauit, eodem Chronico nostro MScto et coetaneo teste. Quare nemo non videt, easdem traditiones quoque factas esse, Hludouico per Orientalem Franciam regnante. Eam ergo ob causam annorum consignationem ad marginem adpositam iam mutauimus.

(m) De *Geroldo* comite eiusque prosapia iam quidem supra §. 95. 163. et 167. egimus fusius. Intermittere tamen non possumus, quin coarguamus quendam errorem auctoris cuiusdam martyrologii, quod cum praefatione Petri Canisii Provincialis primi Ordinis Societatis Jesu in Germania editum fuit Dilingi anno 1573 in 4. In eo p. 364. *Geroldus* appellatur dux Saxoniae, imperatorio sanguine natus, multiugisque virtutibus ita ornatus, vt inter reliquos S. Romani Imperii principes, vii sol inter astra, rutilauerit, et ducatu ac liberis relictis sumferit asinum, qui supellectilem eius baiulauerit, qua cum in eremum inter montes Hohenschneigen haud procul a Feldkirch secesserit, ibidemque vitam plane angelicam duxerit; in hoc autem eremo tam diu latuerit in occulto, donec per vrsium patefactus, qui Geroldo ligna lapides atque aquam adportauerit, vbi ab Otone comite de Jagberg visitatus, qui illi siluam et magnam agri partem donauerit, in qua monasteriolum S. Geroldi dictum fundauerit. Habuisse autem istum

Ab anno
85+ vsque
877. ce-
gnante
Hludo-
uico et

rium supra dictum in pago *Suulbergi* (n) quidquid ibi habuit in siluis campis pratis pascuis aquis aquarumve decursibus seu etiam ceteris omnibus ad eum pertinentibus e contra in recompensatione huius rei dedit uenerabilis abbas *adalgarius* cum consensu fratrum suorum supra dicto comiti in pago *thuringia* (o) in uilla *honesleue* (p) quidquid ibi habuit in siluis campis pratis pascuis et reliquis omnibus ad eam pertinentibus testes huius baddo hripo marcuuard aluuuard maynhard hildiuard et alii XVII.

§. 176.

Tradidit theodulfus in *heliso* (q) pro anima marchberg et osger mansum medium testes rodger marcuuardus hildiuardus eisulf odulf et alii VIII. tradidit ricdaguf in *bennebus* (r) mansum i. testes qui supra ibi affuerunt.

§. 177.

istum *S. Geroldum* duos filios Hainricum atque Comonem, indicatus auctor perhibet, quos patris exemplum secutos praedicat, et, relicta patria ac praediis, monasterium *Einsidlen* intrasse refert, ubi secundum regulam S. Benedicti in cultu Dei cum patre ita sedulos se praebuerint, ut etiam miracula per eos ediderit Deus, donec tandem *Geroldus* monasterio *Einsidlen* se, monasteriolum uero filiis suis, tradiderit, ipse uero ad monasteriolum reuerterit, in quo *Geroldus* hic animam creatori reddiderit, a filiis suis in eius ecclesiae nauis sepultus. Sed enarrasse ea refutasse est. Quemadmodum enim auctor istius Martyrologii *Geroldum* abbatem *Einsidlensem*, qui anno 1481. vixit, atque a *Bucelino* in Germania Sacra *comes de Saxonia* appellatur, designare non potuit, ita, eodem *Bucelino* teste, caenobium Heluetiae *Einsidlen*, fundatum est anno 934 ab *Euerhardo*, *Conradi I* Germaniae Regis fratre germano. Quomodo itaque *Geroldus* noster, qui anno 876 in nostra Corbeia mortuus est, ad monasterium *Einsidlen* secedere potuit? Quin imo plane absurdum dictum est, *Geroldum* in excitato martyrologio appellari ducem Saxoniae, cum ex optimis fideque dignissimis documentis constet, tempore *Geroldi* nostri ducatum Saxoniae orientalis administrasse *Liudolfum*, filium *Ecberti*, atque auum *Heinrici I*, Germaniae regis.

De pago
Suilbergi.

(n) De pago *Suulbergi* in comitatu *Dasseliensi* ac *Grubenhagico* Principatu egimus supra §. 167. not. (Q) potiora.

De pago
Thuringia.

(o) De pago *Thuringia* egimus supra §. 20. not. (F)

De villa
Honesleua.

(p) Quidquid abbatia nostra in villa *Honesleua* possidebat, tradiderat ei *Wulhardus* quidam, restante §. 17. et 25. Nulla autem alia villa uideretur denotari ac *Hensleben*, locus ducatus *Magdeburgici* ad fluuium *Bodam* inter *Egelen* et *Stasfurt*, quanquam et negare nolumus, intelligi posse vicum *Hoenleben*, non procul ab urbe *Helmstadio* situm. Sin uero *Geroldo* haec bona *Corbeiensia* in pago *Northuringi* utiliora fuerunt ob loci situm, quam bona, in *Suulbergi* pago posita, quae *Geroldus* possedit; sequitur, *Geroldum* hoc tempore probabilissime comitatum suum habuisse in pago *Northuringi*, vel in regione circa eundem. Quam ob rem nominauimus etiam supra (§. 163.) nostrum *Geroldum* auum marchionis *Geronis*, sperantes, hanc insignem detectionem eruditis non fore ingrati.

De villa
Heliso.

(q) *Heliso* villa erat, restante *Registro* nostro *MScto*, in pago *Hessi Saxonico*. Intelligimus ergo, denotari per eam *Helsen* ad fluuium, dictum *die Aar*, in comitatu *Waldeccensi* in praefectura *Arollen* conspicuam.

De villa
Bennebus et
marca
Sturmethi.

(r) *Bennebus* villa collocatur in marca *Sturmethi* ab auctore praestantissimi nostri *Registrari*. Datam ergo occasionem de marca ista differendi arripere placet, imprimis cum nemo hucusque de illa aliquid litteris mandauerit. Primum autem de situ eiusdem marcae dicemus, et deinde de amplissimis bonis, quae abbatia nostra in eadem habet. Marca quid sit, iam supra didicimus. Indicatur per eam terminus scilicet alicuius provinciae maioris, quae haec sine dubio vlllo fuit *Angaria*